



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1100. Usque Ad Annum 1143

Fleury, Claude

August. Vind. [u.a.], 1762

VD18 90117999

§. 54. Collatio Catalaunensis.

[urn:nbn:de:hbz:466:1-66385](https://nbn-resolving.org/urn:nbn:de:hbz:466:1-66385)

Sæcul. XII. tur, totum Regnum Pontificis obsequio
 A.C. 1107. offerebant. Tum Catalaunum ad Ma-
 tronam amnem, ut cum Legatis Regis
 Germaniæ conferret, iturum Pontificem
 Archiepiscopos, Episcopos & Abbatem
 S. Dionysii, quem Sugerius sequebatur,
 comitari jubent.

Catalauni Papa aliquamdiu Henrici
 Regis Legatos expectavit, qui, postquam
 advenerunt, ad Hospitium S. Mengini
 deducti sunt. Erant vero hi Legati, Ar-
 chiepiscopus Trevirensis, Episcopus Hal-
 berstadiensis, Episcopus Monasteriensis,
 complures Comites & Dux Welpho,
 qui semper sibi, quocunque procederet,
 gladium præferri jubebat, vir alta &
 procera statura, atque elatæ vocis stre-
 pitu, a fragore tonitruï haud multum
 abhorrente, intuentibus & audientibus
 terribilis. Hi omnes, Legatorum pote-
 state muniti, potius ad incutiendum ter-
 rorem quam ad deliberandum venisse
 videbantur.

§. LIV.

Collatio Catalaunensis.

Itaque Legati Germani, Alberto Can-
 cellario, in quo Imperator maximam
 posuerat fiduciam, domi relicto, magno
 numero & pompa ad Summi Pontificis
 ædes se conferunt. Archiepiscopus Tre-
 virensis eloquentia morumque elegantia
 &

& urbanitate ceteris præstans ac linguæ Sæcul. XII.
 Francorum gnarus, profatus, Papam A.C. 1107.
 Proceresque Romanos salutatur, & nomine Imperatoris omnis generis obsequia offert, salvo ejusdem ad Imperium Jure. Tum subjunxit: *Causæ Imperatoris, Domini Nostri, ad quam defendendam missi sumus, hæc est ratio. A tempore Majorum nostrorum, virorum Sanctorum & Apostolicorum, S. Gregorii Magni, aliorumque Jus Imperatoris erat, ut priusquam Electio Episcopi promulgaretur, res ad ejus notitiam deferretur. Si nulla esset causa contra Electum reclamandi, consentiebat Princeps, tumque electio a Clericis peracta, poscente populo, palam fiebat. Rursusque postquam Electus libere & sine Simonie vitio consecratus fuisset, redibat ad Imperatorem, a quo Investituram REGALIAM per Baculi & Annuli traditionem accipiebat, fidem jurabat & homagium præstabat. Nec istud cuiquam mirum videri debet, quia Episcopum nequam alio modo urbes & Arces, vectigalia, pluraque alia jura, quæ ad Majestatem Cæsaream pertinent, possidere oportet. Si hunc morem Papa hodieque servari concedat, Reipublicæ & Ecclesiæ concordia & pax felici nexu ad Dei Immortalis Gloriam conservabitur. Quæ hic Regalia dicuntur, sunt Bona temporalia & Jura Ecclesiæ ex concessione Principum collata.*

Sæculum XI. Archiepiscopo hæc prolocuto, Epi-
 scopus Placentinus nomine Pontificis re-
 spondit in hunc modum: *Ecclesiam pre-
 tioso Jesu Christi Sanguine redemptam,
 & in libertatem assertam non amplius in
 servitutum redigi decet. Esset vero man-
 cipium Principis, si eo inconsulto Præsulem sibi eligere non posset. Contumelia Deo infertur, si Princeps Investituram det per Virgam & Annulum, quæ sunt Insignia Sacerdotis, ad aram Sacris operantis, & Præsules unktionis suæ Sacramentum profanant, si manus suas contrectatione Corporis & Sanguinis Domini Nostri consecratas, Laici manibus, quas gladius humano cruore infecit. Necdum orationi finem Placentinus imposuerat, cum Legatorum Germanorum furiose murmurantium strepitus exoritur; sed nec jurgia distulissent, aut manus continuissent, si id impune licuisset. Dicebant vero; hanc litem non in Francia sed Romæ strictis gladiis dirimendam esse. At Papa exploratæ fidei & prudentiæ viros misit, qui moderate cum Cancellario conferrent, rogarentque, ut ad pacem in Regno conservandam adlaboraret. In hunc modum Sugerius acta in Conventu Catalaunensi narrat. Aliquis Scriptorum Germanorum adjicit, Henricum noluisse tanti momenti causam in Regno alterius decidi, & obtinuisse inducias to-
 to*

Ab. Ursper.

to anno sequente, quo elapso Romam Sæcul. XII.
 iret, ubi negotium in Concilio generali A.C. 1107.
 conficeretur.

§. LV.

Concilium Trecense.

Germanis ad sua reversis Paschalis Pa-
 pa ad urbem Trecensem venit, Con- to. 10. Conc.
 cilium celebraturus, quod eo potissimum p. 734.
 consilio, ad diem vigesimam tertiam Maji
 anno millesimo centesimo septimo indi-
 xerat, ut Fideles ad iter in Terram San-
 ctam suscipiendum incitaret, & Treugam
 Sacram firmaret. Hinc illi, qui eam vio-
 larent, & inprimis Bonorum Ecclesiasti-
 corum invasores, excommunicati. Item
 prohibitum, ne in ullo bello ædes incen-
 derentur, nec oves aut agni raperentur.
 Quod de bellis privatorum hominum ac-
 cipiendum esse puto. Libertas Electio-
 nis Episcoporum reducta, & damnata In-
 vestitura. Complures Episcopi Germa-
 niæ ab Officio ob varias causas suspensi.

Summo Pontifice & Episcopis in Conci-
 lio Trecensi congregatis, Clerici Ecclesiæ
 Dolensis in Britannia Legatos ad Papam
 miserunt, qui ipso præsentente Vulegrinum
 Ecclesiæ Carnotensis Cancellarium Epi-
 scopum elegerunt, consensitque Ponti-
 fex, Vulegrino, qui & ipse aderat, frustra
 repugnante. Cum præterea Vulegrinus,
 data ad Ivonem Episcopum suum episto-

L 5 la,